

COMPENDIVM

VITAE, VIRTVTVM,
ET MIRACVLORVM,

Necnon Actorum in causa Beatificatio-
nis, & Canonizationis

B. PHILIPPI BENITII

Ordinis Servorum B. M. V.
Propagatoris.

Ex Secretaria Congregationis Sac. Rituum.



R O M Æ,

Ex Typographia Reuerendæ Cameræ Apostolicæ 1671.

Superiorum permissu.

COMPENDIVM

VITAE, VIRTVTVM,
ET MIRACVLOVM,

Necnon Vctorum in causis Beatificatio-
nis, & Canonizationis

B. PHILIPPI BENITII

Ordinis Sernorum B. M. V.

Propagatoris.

Ex Secretaria Congregationis Sac. Rituum.



R O M E,

Ex Typographia Reuerendae Camerae Apostolicae.

Superiorum Librorum.



V. T. V. R. A. specimen Ecclesie ostenditur apud
 Pathmos Ioanni Deus septem candelabra; item-
 que septem Stellas; ac totidem Angelos per vi-
 sum demonstrasse dicitur; sic etiam ut stabilem,
 nec temporum iniurijs obnoxiam diuina sibi sa-
 pientia construxerit domum; septem columnas;

in quibus structura totius operis innixa fulciretur;
 eam excidisse; diuinæ sapientiæ oracula testantur: Idem quoque
 institutum; dicendum omnino est; profecutum deinde fuisse
 humano sub aspectu cum filijs hominum delicias suas repudan-
 tis integerrimam Parentem; dum sui nominis immortalitati
 non manifestum dederit; templum; septem itidem colum-
 nas; hoc est Sanctissimi inuicti pectoris viros; Religiosissime
 Seruorum familie primos Instructores. Et reliquo ceterum morta-
 lium excidit quodammodo; quo vehemens ventus iuuenis à
 regione deserti sacratissima huius Domus; angulos cointere
 non posset; nec filios sanctæ parentis opprimeret: Hæc scilicet
 Coelestis illa Hierusalem; quæ cum sit Cælorum Reginæ filia;
 merito in sponsam Agni destinatur; Non defuerunt tam au-
 gusto templo innumera; eaque viua; & ad veræ virtutis for-
 mam expressa simulacra; quæ inter sidera; velut scintillæ in
 arundine discurrentes socios iungerent splendores; & diuina
 namque manu Regni decoris; & Diadema speciei accepe-
 runt: Non vltimum inter hos reliquit locum sua Beato Philip-
 po Benitio omnibus expleta partibus virtus; quæ; vel in pri-
 uatæ vitæ conditione; vel in supremam; quam tenuis huius
 Religionis administratione; velut lucerna ardens; & lucens
 posita super candelabrum; ut luceret ijs; qui in domo erant;
 ubique dignam admiratione præbuit; quæ quoniam adeo
 multiplex (ut ita dicam) illapsu ostendit ab horto suæ Reli-
 gionis irrigans vniuersam superficiem terræ in tot varias diffusa
 partes est; ad quædam capita; & fontes quodam fieri potuit re-
 ducta.

Natus est prædictus Beatus in Civitate Florentiæ in Etruria ex
 Nobili; & antiqua Benitiorum familia; Patre Iacobo; & Matre

Albauerde legitimis coniugibus, qui, cum diu absque liberis
vixissent, & de futura prole dubitassent, summis precibus vo-
tum Deo, ac Beatissimæ Virginis transierunt, vt filium sibi con-
cedere dignarentur, & factum est, vt anno 1233. die 15. Au-
gusti. in festo Assumptionis Deiparæ Virginis, eodem die, &
anno, quibus ordo eiusdem Dei Genitricis in eadem Civitate
Florentiæ mirabiliter initium habuit, natus fuerit dictus Bea-
tus; indequæ baptizatus, ac debito tempore confirmatus, cuius
Mater, dum adhuc fetum sustineret, ac partui proxima esset,
in somnis sibi visa est ingentem flammam parere, qua totus
mundus illuminabatur: hæc enim fides parentum, dies ipsa, in
qua natus Beatus vir, vniuerso Christiano orbi salutaris, & hu-
ius Sanctæ Religionis natalis, flamma à Matre præuisa pro-
nuntiarunt, qualis futura esset Sanctitas tanti Beati, qui, cum
adhuc sub nutricis custodia degeret, à cibo, & potu certis die-
bus abstinere se cepit, vt hoc modo ieiunium præsignaret, quod
tamen clarius distinguens grandior factus, sed adhuc puerulus,
nocte accedente post ieiunium super terram nudam cubabat,
vt corpus suum in seruitutem redigere inciperet, cum verò de-
cimum annum excessisset, sensu Dei inualecente, orationi diu,
noctūq; vacabat, donec studiorū causa à parentibus suis Parisios,
& Pataviū honorifice missus fuit: Reuersus postmodū, Doctorali
laurea insignitus vixq; ætatis suæ annū vigesimū attingens, eccle-
lesti inflammatus igne incessanter ieiunijs, & orationibus ad Deū
Omnipotentē confugiebat, petens, vt sibi voluntatē suam reue-
lare dignaretur, & contigit, vt, cum aliquandō coram Sacra
Christi Crucifixi Imagine humiliter prostratus cum lacrymis
oraret, ita Christum sibi dicentem meruerit audire. *Abi Phi-
lippe in Montem Excelsū, ascende ad servos Matris mee, &
Deo rem gratam facies.* Audita hac voce, & diuini amoris igne
magis incensus seuerius edomare cepit corpus suum ieiunijs,
vigilijs, disciplinis, & orationibus, & dum in feria
quinta octauæ Resurrectionis perueniret ad Sacellum Sanctis-
simæ Annuntiæ Florentiæ Ordinis Seruorum apud Casagiū,
& Sacrosanctæ Missæ Sacrificio interesset, audiens inter acta

Apostolorum cap. 8. verba illa: *Philippe accede, & adiunge te ad currum istum*, statim raptus in extasim visus est sibi in deserto manere scorpionibus, spinisque circumuolutus, sed auxilio ex corde à Deo impetrato, Cælum respiciens, currum aureum, quem Leo, & Ovis trahebant, in eoque Sanctissimam Dei Matrem Angelis comitantibus assidentem, & nigra sibi indumenta porrigentem, vidit, & eisdem verbis se Divina voce invitari audiuit; *Philippe accede, & adiunge te ad currum istum*. A sequenti autem nocte in eundem mentis excessum raptus, clarius de vocatione sua certior factus, & ab eadem Deipara Virgine monitus dicente: *Eia Philippe celeriter ad eos fratres accurre, qui Serui mei nuncupantur; ab eis enim prævisi currus mysteria disces, quæ statim exequi possis*, quare die 25. Aprilis feria sexta Resurrectionis Dominicæ anni 1253. omni moras postposita Casagium petijt Superiorem loci tunc Fratrem Bonifacium adiit, visionem distinctè narrauit, interpretationem audiuit, habitum laicorum ob omnis humilitatem petijt, & inter alios fratres connumeratus est, ita ut exinde mira Dei Saluatoris nostri bonitate, & B. M. intercessione paratus fuerit per bona opera sagere, ut certam faceret vocationem suam: Ideoque vitâ aliquandiu in Monte Senario solitariam duxit; paulo post Sacerdos ex obedientia factus, omnibus mundanis, diuinorum cõtemplatione despectis, omniq; animæ cogitatione in Deum solum directâ in prædicatione verbi Dei nedum ipse perpetuò anxius, & sollicitus fuit, sed etiam totius Ordinis Prior Generalis effectus mandauit, ut Prouinciales curarent, Nouitios dona linguarum assequi, ut cunctes in vniuersum Mundum Euangelium omnium creaturæ prædicarent, quare Clemens IV. prædictum Beatum Concionatorem Apostolicum, & huius seminis dispensatorem in orbe vniuerso constituit, prout peragrando Prouincias Italiæ, Galliæ, Germaniæ, Poloniæ, Flandiæ, eo munere laudabiliter functus est cum messo magna, peccatores quamplurimos ad vitam rectitudinis reuocando, & hæreticos conuertendo etiam cum vitæ discrimine, laboribus, & animi angustiis omnium saluti incumbens, & hæreticorum odia in se concitans.

Pater erat omnium pauperum, & ipsiusmet paupertatis amantissimus; Nam in ingressu ipsius Religionis patrimonio renunciauit, adeoque paupertatem coluit, vt vili, & attrito habitu gauderet, pro vitæ necessitatibus eleemosinam peteret, eandemque vitæ paupertatem suis fratribus, & alijs prædicaret, vt summum bonum, & à quo verus Iesu Christi famulatus penderet.

Religionem suam propagauit per Monasteriorum, & Congregationum numerum, & multitudinem priuatorum hominum habitum Seruorum eiusdem Beatissimæ Virginis deferentium, vt ex eorumdem laboribus, penitentijs, & vigilijs ad maiorem Dei gloriam, salus animarum pereuntium, & præcipuè Hæreticorum zelo charitatis repararetur: Tres enim Confraternitates Seruorum Beatæ Virginis Tertij Ordinis instituit, primam Virorum Florentiæ, Pistorij duas, vnam Virorum, alteram Mulierum; Rodolphus etiã Rex Romanorum, & Imperator electus, & Augusta eiusdem vxor habitum Seruorum ab eodem receperunt.

Saluti proximorum continuò intentus fuit, & pace composita multos inimicos ab imminente periculo liberauit, sciens eos, qui non diligunt se, manere in morte, & qui odio proximum suum prosequuntur homicidas esse; Factiones enim Guelforum, & Gibellinorum, quibus Pistorij Ciuitas desolabatur, extinxit, & pace composita, multi facultates suas in pauperes erogarunt, Ordinem Seruorum, Beatum Philippum sequentes, ingressi sunt, & signanter Bonauentura Bonaccursus factionis Gibellinæ Dux, & Vbaldus Adimariorum familiæ Princeps.

Reformationi, & disciplinæ Nouitiorum incubuit, quibus instruendis, Superiorum iussu in Ciuitate Senensi adeo se totum tradidit, vt ordinationes, ac constitutiones, & monita conscripserit, ad eosdem Nouitios, & alios successiue in via Religiosæ perfectionis dirigendos, quæ postmodum norma futuris Nouitijs semper fuerunt, tanquàm à superiore Generali approbatæ, & pertinentes ad effectum amoris.

Quibus accedit summa liberalitas in pauperes, & pietas erga infirmos,

mos, quæ sunt veræ charitatis, & dilectionis signa. Cum enim Pistorij audiuiſſet, fratrem Manettum tunc in Monte Senario ægrotare, statim eò se contulit, dum eſſet Prior Generalis, vſq; in neceſſitatibus illi inſeruïret vſq; ad obitum, & ſepulturam, prout fecit, propè autem Viterbium obuiam factus pauperi eleemoſynam petenti, cum aureum, nec argentum haberet, detracta ſibi veſte interiori, illam ei elargitus eſt, cum qua iſa lepra illicò etiam mundatus eſt.

Cumque inter concionandum cuiuſdam populi vitia reprehenderet, iniurijs affectus, virgis caſus, lapidibus petitus, & extra Ciuitatem eiectus eſt, pro quibus tamen, tanquam alter Stephanus, exorabat, & factum eſt, vt vnus ex perſecutoribus, Peregrinus nomine, tunc veniam petierit, & conuerſus in eiufdem ſerui Dei, Religionem ingreſſus vitæ ſanctitate floruit.

Voluntatem ſuam direxit in executionem eorum, quæ, Dei gloriam, fidei propagationem, animarumque ſalutem reſpiciebant, condendo leges, & conſtitutiones pro regimine, & adminiſtratione ſui Ordinis prudenter, vt ex illis facile cognoscatur, diuino lumine Beatum virum illuſtratum fuiſſe, nam ſeptem antiquorum Fratrum Fundatorum Decreta in vnum collegit, aliaque multa addidit, & in volumen Conſtitutionum redegit, verboque, & exemplo ad eorum obſeruantiam Fratres incitauit, Regulæ rigorem ſuauiſſime iugi, & leuitate oneris in amore Ieſu Chriſti temperando, neque partes huius virtutis potentiales in Beato Philippo otioſè remanſerunt, inter quas eſt Donum Conſilij, & perſpicacitas iudicij, quam expertus Nicolaus Tertius illum Cardinali Latino ſororis filio in ardua Legatione adiunxit, exindè Ropulphus Primus paulò poſt Coronam Imperij adeptus, Oratorem miſit ad Pontificem, vt iterum impetraret Dei Seruum, qui exindè miſſus in Germaniam, inimicitias inter ipſum Imperatorem, & Bohemiæ Regem ſedauit, & ad ſinceram, ac veram concordiam reduxit.

Recedens etiam Beatus Philippus è Ciuitate Viterbij tranſiuit ad ſolitudinem Montagnatæ, vbi pane, aqua, & herbis per aliquot meſes contentus, naturalis delectationis oblitus, in oratione per-

pernoctans, gustabat tantummodò quàm suauis est Domini us;
 & quâ dulcia essent verba illius faucibus suis: ibique balneis quâ
 usque in hodiernum diem S. Philippi nominantur, virtutem san-
 nandi morbos impetrauit: Solitarius etiam per quatuor annos
 in quadam crypta Montis Senarij delituit, vbi inter altas rupes
 extructo paruo tugurio, quod adhuc extat, & in veneratione
 habetur ab omnibus, abstractus totoque animo cum om-
 nibus suis potentijs, & viribus recollectus est, & factus vnus spi-
 ritus cū Deo, quare vsq; in diem hunc eiusdem crypta Montis
 Senarij, & Beati Viri immēsi in Deum affectus illustriori red-
 ditur memoria, cum non longè ab Eremita defluat fons de Mon-
 te excelfo, & durissima silice, qui guttatim ad modum lugentis,
 & quodammodò sudorem emittentis, guttas paruas, & crebras
 fluxu perenni in lapideam peluim emittit, quæ vsque ad sum-
 mū impleta nunquam superfluit, nec vnquam deficit, & si
 quando ab Incolis vndeque confluentibus ad aquam hau-
 riendam pro ægrotantibus, & varijs febribus laborantibus eua-
 cuatur, illicò repletur, vnde fons Beati Philippi appellatur.

Florentiæ existens, & orationi incumbens, è Monte Senario vidit
 animas duorū ex Fundatoribus Ordinis sui, nēpè Ugucionis, &
 Sosteni, ad cælestem gloriam quasi duo lilia ascendere, & con-
 uocatis fratribus, antequam de morte illorum nuntiaretur, hos
 Dei Seruos de hac vita migrasse palam fecit, Rhenanam Pro-
 uinciam peragrandò, cū nocte quadam mentem in Deum
 Beatus Philippus eleuasset, Beatissima Virgo illum monuit,
 die sequenti, Ioannem nomine Nobilem, ac diuitem, summo-
 què loco natum, ad ipsum venturum, cui voluntatem Dei ape-
 rire deberet, vt Iesu Christo in Seruorum Religione promptum
 exhiberet obsequium, quod die sequenti factum fuit; Nam
 Ioannes Philippum adiit, se nocto præcedente visionē à B. Vir-
 gine habuisse narrauit, eandem Beatus sibi communicatam
 respondit, & certior factus de voluntate Dei habitum suscepit,
 & in obsequio Saluatoris suauissimè obdormiuit in Domi-
 no: Cū Prior Generalis existeret, & de tali munere depo-
 nendo cogitaret, Viterbium ad Clementem IV. tunc ibi

commorantem perrexit, sed visione in somnijs præuentus, existimans sibi manum non sine graui dolore amputari, nisi à quadam muliere impeditus fuisset, à somno excitatus, dubius de somnij interpretatione, Lotharingio fratri, & comiti suo omnia narrauit, qui eandem visionem se habuisse, & vterius à B. Virgine illius sensum didicisse respondit, amputationem illam manus nihil aliud significare, quam abdicationem oneris à Beato Philippo præcogitatam, sique ea in re persisteret, perinde ipsum facturum, ac si manum sibi amputasset cum ingenti sui Ordinis detrimento, sensu autem explicato, à proposito statim recessit: Nocte quadam orans, lacrymis, & suspirijs vehementibus Beatissimæ Virgini Ordinem Seruorum in angustijs, & maximis persecutionibus positum commendabat, Sanctissima Mater ei apparens consolata est, dicens, hunc Ordinem persecutionibus non minuendum, sed augendum fore, & pro conseruatione eiusdem Ordinis ei reuelauit, vt fratribus suis iniungeret, quatenus singulis diebus recitarent coronam quinque psalmorum, & totidem Antiphonarum, incipiendo à singulis quinque litteris huius Sanctissimi nominis *Maria*: Rogatus ab Orthobono Cardinali Fisco Ordinis Protectore, vt Pontificatum sibi à Cardinalibus oblatum acciperet, indignum se tanto honore respondens subdidit: Tu quidem ex diuina dispensatione ad talem dignitatem aliquando assumeris, sed modo dico tempore eo fruere, prout euentus docuit Adrianus, Venerabilis, & paucis post diebus diem suum clausit.

His, & innumerabilibus virtutibus, & meritis, plenus, absoluto Capitulo Generali ad Cryptam propè Montem Senarium se contulit, in qua per duos menses solitarius orationi, & contemplationi intentus permansit, inde discedens ad Senensem Ciuitatem peruenit, & postmodum Perusium perrexit, vbi Honorius IV. Summus Pontifex morabatur, ad cuius pedes prostratus, & benignè ab eo receptus, & benedictione Pontificia munitus, Tudertum se contulit, & in Urbis ingressu totam Ciuitatem sibi, tanquam Patri, obuiam habuit, & Ecclesiam ingressus in extasim raptus est, qua finita, populo adstante, &

audiente aperuit os suum dicens: *Haec requies mea in saecula saeculi; hic habitabo; quia elegi domum.* Succedente postmodum die festo Assumptionis Beatissimae Virginis Mariae; cum in oratione pernoctasset; Sacrosanctum Missae sacrificium celebravit; concionem ad populum de Regno Dei; & de Beata Virgine habuit; eaquē peracta in leuam febrim incidit; Morbo autem ingrauescente; conuocatis fratribus; suū transitus diem praedixit; nempe Mercurij in octaua Assumptionis Deiparae Virginis; hysquē adhortatis ad Regulā; & votorum obseruantiam ad Religiosam perfectionem; mutuanquē charitatem enixe contemplatōni intentos; & sepe verba Publicani repetens; *Deus propter inuēstomihī peccatori; peccus suum percutiebat;* & ingresso cubiculum Sacerdote Sanctissimum Sacramentum deferente se lecto surgens obuiam ei factus; humi prostratus ad Deum suum conuersus dicebat; *Tu es Domine; in quem credidi; quem praedicauī; quem dimaui; quem toto tempore meo exquisui;* pluribusquē alijs verbis iaculatorijs; Christi corpore deuotē; & humiliter suscepto ad lectulum; reductus; psalmos David penitentiales profusus lacrymis recitare cepit; cū peruenisset ad versiculum: *Peccatores Te rogamus audi Nos;* in extasim aliquot horarum raptus est; ac demū in se reuersus Sacra vñctione munitus; Crucifixi Imaginē in manibus gestans; & iugiter deosculans letus intonuit canticum; *Benedictus Dominus Deus Israel;* & Psalmum in te Domine speraui. & dū pronunciaret verba illa; in manus tuas Domine commendo spiritum meum; oculis; ad Caelum erectis obdormiuit in Domino die 22^{ae} Augusti 1284. Miraculis claruit. Etenim mulier manibus; pedibusque contracta; vt corpus Beati attigit; statim domum incolumis remeauit. Cæcus; ad eius tumulum delatus; illico visum recepit. Puer in agro Tudertino à Lupo stranguatus eiusdem meritis ad vitam reuocatur. Mulier; quæ; & miracula negare; & Beatum irridere præsumserat; muta illico effecta; dū resipiscens ad illius pedes prostrata veniam precatur; pristinam loquendi facultatem recuperat. Vnicus Viduae filius ex diutino morbo defunctus; dū opem Beati Philippi